



NAJVAŽNIJE PROMJENE U KNJIZI FIBA PRAVILA 2006

Čl. 5 Igrači: povreda

5.6 U toku igre, bilo koji igrač koji krvari ili ima otvorenu ranu mora da bude zamijenjen. On može da se vrati na teren za igru samo pošto je krvarenje zaustavljeno, a povređeno mjesto ili otvorena rana kompletno i bezbjedno previjeni. Ako se povrijeđeni igrač ili igrač koji krvari ili ima otvorenu ranu, oporavi u toku tajm-auta dodijeljenog bilo kojem timu prije signala zapisničara za zamjenu, može da nastavi da igra.

Čl. 10 Status lopte

10.4

Lopta **ne postaje mrtva** i poeni se računaju, ako su postignuti:

Kada se lopta nalazi u letu prilikom šuta na koš iz igre i: – Sudija zviždi pištaljkom. – Oglasi se signal sata za igru za završetak perioda. – Oglasi se signal uređaja za dvadesetčetiri sekunde.

Kada se lopta nalazi u letu prilikom slobodnog bacanja, a sudija zviždi pištaljkom zbog bilo koje povrede pravila izuzev one koju napravi izvođač slobodnog bacanja.

Kada igrač načini grešku na protivniku koji se nalazi u akciji šutiranja na koš iz igre, dok **on još ima kontrolu lopte** i završava šut kontinuiranom kretnjom, započetom prije nego što se greška dogodila. Ova odredba ne važi i pogodak se ne računa, ako se nakon zvižduka pištaljke sudije napravi potpuno nova akcija šutiranja.

Ova odredba ne važi i pogodak se ne računa, ako se u toku kontinuirane kretnje igrača koji se nalazi u akciji šutiranja oglasi signal sata za igru za završetak perioda ili signal uređaja za dvadesetčetiri sekunde.

Čl.15 Igrač u akciji šutiranja

15.3

Kontinuirana kretnja u akciji šutiranja:

Počinje kada se lopta zaustavi u šaci(kama) igrača i započne pokret šutiranja, obično naviše.

Može da uključi kretanje ruke(u) i/ili tijela igrača u njegovom pokušaju da šutira na koš iz igre.

Završava kada lopta napusti šaku(e) igrača, ili ako se izvede potpuno nova akcija šutiranja.

Čl.17 Ubacivanje

17.2.3.

Samo u slijedećim situacijama slijedeće ubacivanje se izvodi na produžetku srednje linije nasuprot zapisničkom stolu:

- Na početku svih perioda osim prvog perioda.
- Poslije slobodnog(ih) bacanja zbog tehničke, nesportske ili diskvalifikujuće greške.



- U toku posljednja dva (2) minuta četvrtog (4.) perioda i u toku posljednja dva (2) minuta svakog produžetka, poslije tajm-auta dodijeljenog timu koji ima pravo na posjed u svom zadnjem polju. Igrač ima po jedno stopalo sa obje strane produžetka srednje linije i ima pravo da doda loptu saigraču na bilo kojem mjestu na terenu za igru.

17.2.6

Poslije uspješnog pogotka iz igre ili uspješnog posljednjeg ili jedinog slobodnog bacanja:

Ubacivanje izvodi bilo koji igrač ekipe koja nije postigla pogodak sa bilo kojeg mjesta na čeonj liniji gdje je postignut pogodak. Ovo se također primenjuje nakon što sudija uruči ili stavi na raspolaganje loptu igraču koji izvodi ubacivanje, nakon tajm-auta ili bilo kojeg prekida igre poslije uspješnog pogotka iz igre ili uspješnog posljednjeg ili jedinog slobodnog bacanja.

Igrač koji izvodi ubacivanje može da se kreće bočno i/ili unazad i lopta može da se dodaje između saigrača na ili iza čeone linije, ali brojanje pet (5) sekundi počinje kada lopta bude na raspolaganju prvom igraču van graničnih linija.

17.3.1

Igrač koji izvodi ubacivanje:

Ne troši više od pet (5) sekundi da bi izbacio loptu.

Ne zakoračuje u teren za igru dok ima loptu u svojoj šaci(ama).

Ne prouzrokuje da lopta dodirne prostor van graničnih linija, nakon što je bila izbačena prilikom ubacivanja.

Ne dodiruje loptu u terenu za igru prije nego što ona dodirne drugog igrača.

Ne prouzrokuje da lopta uđe direktno u koš.

Ne prelazi ukupno rastojanje od mjesta određenog za ubacivanje, bočno u jednom ili oba pravca, koje je veće od jednog (1) metra ukupno, prije ili dok izbacuje loptu. Dozvoljeno mu je, međutim, da se kreće irektno unazad od linije, onoliko daleko koliko okolnosti dozvoljavaju.

Čl. 18 Tajm-aut

Napomena: U cijelom tekstu pravila izostavljen je izraz “odobreni tajm-aut” i koristi se samo “tajm-aut”.

18.1

Definicija

Tajm-aut je prekid igre koji je tražio trener ili pomoćni trener.

18.2

Pravilo

18.2.1

Svaki tajm-aut traje jedan (1) minut.

18.2.2

Tajm-aut može da se dodijeli u toku prilike za tajm-aut.



18.2.3

Prilika za tajm-aut **počinje**:

- Kada lopta postane mrtva, sat za igru bude zaustavljen i sudija završi svoju komunikaciju sa zapisničkim stolom.
- **Kada lopta postane mrtva poslije uspješnog posljednjeg ili jedinog slobodnog bacanja.**
- Za tim koji nije postigao pogodak, kada je postignut pogodak iz igre.

18.2.4

Prilika za tajm-aut se **završava** kada je lopta na raspolaganju igraču za ubacivanje ili za prvo ili jedino slobodno bacanje.

18.2.5

Svakom timu mogu da se dodijele dva (2) tajm-auta bilo kada u toku prvog poluvremena, tri (3) bilo kada u toku drugog poluvremena i jedan (1) bilo kada u toku svakog produžetka.

18.2.6

Neiskorišćeni tajm-auti ne mogu da se prenesu u naredno poluvrijeme ili produžetak.

18.2.7

Tajm-aut se odobrava timu čiji je trener prvi uputio zahtjev, osim ako se dodjeljuje poslije pogotka iz igre koji su postigli protivnici, a bez dosuđene greške ili prekršaja.

18.3 Postupak

18.3.1

Samo trener ili pomoćni trener ima pravo da traži tajm-aut. On uspostavlja vizuelni kontakt sa zapisničarom ili odlazi do zapisničkog stola i jasno traži tajm-aut, načinivši uobičajeni znak rukama.

18.3.2

Zahtjev za tajm-aut može da se povuče samo prije nego što se oglasi signal zapisničara u vezi tog zahtjeva.

18.3.3

Tajm-aut:

Počinje kada sudija zazviždi pištaljkom i pokaže znak za tajm-aut.

Završava kada sudija zazviždi pištaljkom i znakom ruke pozove timove nazad na teren za igru.

18.3.4

Čim prilika za tajm-aut počne, zapisničar se oglašava svojim signalom da obavijesti sudije da je upućen zahtjev za tajm-aut.

Ako je postignut pogodak iz igre protiv tima koji je tražio tajm-aut, mjerilac vremena odmah zaustavlja sat za igru i oglašava se svojim signalom.



18.3.5

U toku tajm-auta i u toku intervala igre prije početka drugog (2.) i četvrtog (4.) perioda i svakog produžetka, igrači mogu da izađu sa terena za igru i sjednu na klupu tima, a osobe kojima je dozvoljeno da budu u prostoru oko klupe tima mogu da uđu u teren za igru, pod uslovom da članovi tima ostanu u blizini prostora oko klupe svog tima.

18.3.6

Ako je zahtjev za tajm-aut upućen nakon što je lopta na raspolaganju izvođaču slobodnog bacanja za prvo ili jedino slobodno bacanje, tajm-aut se dodjeljuje bilo kojem timu:

- Ako je posljednje ili jedino slobodno bacanje uspješno.
- Ako iza posljednjeg ili jedinog slobodnog bacanja slijedi ubacivanje na produžetku srednje linije.
- Ako je dosuđena greška između slobodnih bacanja. U ovom slučaju završava se slobodno bacanje(a) i tajm - aut dozvoljava prije izvođenja nove kazne za grešku.
- Ako je dosuđena greška između slobodnih bacanja. U ovom slučaju završava se slobodno bacanje(a) i tajm - aut dozvoljava prije izvođenja nove kazne za grešku.
- Ako je dosuđena greška prije nego što lopta postane živa nakon posljednjeg ili jedinog slobodnog bacanja. U ovom slučaju tajm-aut se dozvoljava prije izvođenja nove kazne za grešku.
- Ako je dosuđen prekršaj prije nego što lopta postane živa nakon posljednjeg ili jedinog slobodnog bacanja. U ovom slučaju tajm-aut se dozvoljava prije izvođenja ubacivanja.

U slučaju da postoje uzastopne cjeline slobodnih bacanja i/ili posjeda lopte kao rezultat više od jedne (1) kazne za grešku, sa svakom cjelinom treba da se posebno postupa.

18.3.7

Tajm-aut nije dozvoljen timu koji je postigao pogodak, kada je sat za igru zaustavljen poslije uspješnog pogotka iz igre u toku posljednja dva (2) minuta četvrtog perioda ili posljednja dva (2) minuta svakog produžetka, osim:

- Ako sudija prekine igru.
- Ako je timu koji nije postigao pogodak dodijeljen tajm-aut ili zamjena.

Čl. 19 Zamjena

19.1

Definicija

Zamjena je prekid igre koji je tražio zamjenik da bi postao igrač.

19.2

Pravilo

19.2.1

Tim može da zamjeni igrača(e) u toku prilike za zamjenu.



19.2.2

Prilika za zamjenu **počinje**:

- Kada lopta postane mrtva, sat za igru bude zaustavljen i sudija završi svoju komunikaciju sa zapisničkim stolom.
- Kada lopta postane mrtva poslije uspješnog posljednjeg ili jedinog slobodnog bacanja.
- Za tim koji nije postigao pogodak, kada je postignut pogodak iz igre u posljednja dva (2) minuta četvrtog perioda ili posljednja dva (2) minuta svakog produžetka.

19.2.3

Prilika za zamjenu se **završava** kada je lopta na raspolaganju igraču **za ubacivanje ili** za prvo ili jedino slobodno bacanje.

19.2.4

Igrač koji je postao zamjenik i zamjenik koji je postao igrač ne mogu respektivno da ponovo uđu ili napuste igru, sve dok lopta ne postane ponovo mrtva nakon dijela igre kada je sat radio, osim:

Ako je tim ostao sa manje od pet (5) igrača na terenu za igru.

Ako se igrač koji ima pravo na slobodna bacanja kao rezultat ispravljanja pogreške nalazi na klupi tima pošto je bio pravilno zamijenjen.

19.3

Postupak

19.3.1

Samo zamjenik ima pravo da traži zamjenu. On (a ne trener ili pomoćni trener) odlazi do zapisničkog stola i jasno traži zamjenu, načinivši uobičajeni znak rukama ili sjedajući na stolicu za zamjenike i mora da bude spreman odmah da igra.

19.3.2

Zahtjev za zamjenu može da se povuče samo prije nego što se oglasi signal zapisničara u vezi tog zahtjeva.

19.3.3

Čim prilika za zamjenu počne, zapisničar se oglašava svojim signalom da obavijesti sudije da je upućen zahtjev za zamjenu.

19.3.4

Zamjenik ostaje van granične linije sve dok sudija ne pokaže znak za zamjenu i znakom ruke mu odobri da uđe u teren za igru.

19.3.5

Igraču **čija se zamjena vrši**, dozvoljeno je da ode direktno na klupu svog tima, bez javljanja bilo zapisničaru bilo sudiji.



19.3.6

Zamjene se vrše što je brže moguće. Igrač koji načini petu grešku ili je diskvalifikovan, mora da bude zamjenjen odmah (približno za 30 sekundi). Ako po ocjeni sudije postoji neopravdano odugovlačenje, upisuje se tajm-aut timu koji krši ovu odredbu. Ako timu nije preostao tajm-aut, treneru može da se dosudi tehnička greška ('B').

19.3.7

Ako je zamjena zatražena u toku tajm-auta ili u toku intervala igre, zamjenik mora da se javi zapisničaru pre ulaska u igru.

19.3.8

Ako izvođač slobodnog bacanja mora da bude zamjenjen:

Zato što je povrijeđen.

Zato što je načinio petu grešku.

Zato što je diskvalifikovan,

Slobodno bacanje(a) mora da izvede njegov zamjenik, koji ne može da bude ponovo sve dok ne igra u narednom dijelu utakmice kada sat radi

19.3.9 Ako je bilo koji tim uputio zahtjev za zamjenu nakon što je lopta na raspolaganju izvođaču slobodnog bacanja za prvo **Ako je posljednje ili jedino slobodno bacanje uspješno**, ili jedino slobodno bacanje, zamjena se dodjeljuje:

- **Ako iza posljednjeg ili jedinog slobodnog bacanja slijedi ubacivanje na produžetku srednje linije.**
- Ako je dosuđena greška između slobodnih bacanja. U ovom slučaju završava se slobodno bacanje(a) i zamjena dozvoljava prije izvođenja nove kazne za grešku.
- Ako je dosuđena greška prije nego što lopta postane živa nakon posljednjeg ili jedinog slobodnog bacanja. U ovom slučaju zamjena se dozvoljava prije izvođenja nove kazne za grešku.
- Ako je dosuđen prekršaj prije nego što lopta postane živa nakon posljednjeg ili jedinog slobodnog bacanja.

U ovom slučaju zamjena se dozvoljava prije sprovođenja ubacivanja. U slučaju da postoje uzastopne cjeline slobodnih bacanja kao rezultat više od jedne (1) kazne za grešku, sa svakom cjelinom treba da se posebno postupa.

19.3.10 **Zamjena nije dozvoljena** timu koji je postigao pogodak, kada je sat za igru zaustavljen poslije uspješnog pogotka iz igre u toku posljednja dva (2) minuta četvrtog perioda ili posljednja dva (2) minuta svakog produžetka, osim:

Ako sudija prekine igru.

Ako je timu koji nije postigao pogodak dodijeljen tajm-aut ili zamjena.



Čl. 25 Koraci

25.2.2

Napredovanje sa loptom igrača koji je uspostavio pivot-nogu i ima kontrolu žive lopte na terenu za igru:

- Kada stoji sa obje noge na podu:
 - Da bi započeo vođenje lopte, ne smije da podigne pivot-nogu prije nego što izbaciloptu iz šake(a).
 - Da bi dodao loptu ili šutirao na koš, može da se odrazi pivot-nogom, ali nijednu nogu ne smije da vrati na pod prije nego što loptu izbaciloptu iz šake(a).
- Kada se kreće:
 - Da bi dodao loptu ili šutirao na koš iz igre, može da se odrazi pivot-nogom i doskoči na jednu nogu ili istovremeno na obje noge. Nakon toga jednu ili obje noge može da podigne sa poda ali nijednu nogu ne smije da vrati na pod prije nego što izbaciloptu iz šake(a).
 - Da bi započeo vođenje lopte, ne smije da podigne pivot-nogu prije nego što izbaciloptu iz šake(a).
- Kada se zaustavi dok nijedna noga ne može da bude pivot-noga:
 - Da bi započeo vođenje lopte, ne smije da podigne nijednu nogu prije nego što izbaciloptu iz šake(a).
 - Da bi dodao loptu ili šutirao na koš iz igre, može da podigne ali ne smije da vrati jednu ili obje noge na pod prije nego što izbaciloptu iz šake(a).

Čl. 29 Dvadesetčetiri sekunde

29.2

Postupak

29.2.1

Ako sudija **zaustavi** igru iz bilo kojeg opravdanog razloga koji nije u vezi ni sa jednim timom (uređaj za dvadesetčetiri sekunde greškom vraćen, itd) ili je u vezi sa protivnicima tima koja ima kontrolu lopte, posjed lopte i novih dvadesetčetiri sekunde se dodjeljuju timu koji je prethodno imao kontrolu lopte.

Međutim, ako bi po ocjeni sudija protivnici bili dovedeni u podređeni položaj, period dvadesetčetiri sekunde se nastavlja od vremena u kojem je prekinut.

29.2.2

Ako se signal uređaja za dvadesetčetiri sekunde **greškom oglasi** dok tim ima kontrolu lopte ili nijedan tim nema kontrolu lopte, signal se zanemaruje i igra se nastavlja.

Međutim, ako je po ocjeni sudija tim koji ima kontrolu lopte doveden u podređeni položaj, igra se zaustavlja, period dvadesetčetiri sekunde se ispravlja i lopta dodeljuje tom timu.

29.3

Kazna

Lopta se dodjeljuje protivnicima za ubacivanje najbliže mjestu gdje su sudije zaustavile igru, izuzev direktno iza table.



Čl. 31 Spriječavanje pogotka i ometanje

31.2.5

Ometanje nastaje u toku šuta iz slobodnog bacanja:

Kada igrač u toku slobodnog bacanja poslije kojeg slijedi naredno slobodno bacanje(a), dodirne loptu, koš ili tablu, dok lopta ima mogućnost ulaska u koš.

Kada igrač pruži ruku odozdo kroz koš i dodirne loptu.

Kada igrač odbrane u toku posljednjeg ili jedinog slobodnog bacanja, dok lopta ima mogućnost ulaska u koš i nakon što dodirne obruč, prouzrokuje da tabla ili obruč vibrira tako da je lopta, po ocjeni sudije, spriječena da uđe u koš.

Kada igrač napada, u toku posljednjeg ili jedinog slobodnog bacanja, dok lopta ima mogućnost ulaska u koš i nakon što dodirne obruč, prouzrokuje da tabla ili obruč vibrira tako da je lopti, po ocjeni sudije, omogućeno da uđe u koš.

- Kada igrač u toku posljednjeg ili jedinog slobodnog bacanja, dodirne koš ili tablu, dok je lopta u dodiru sa obručem.

31.3.3

Ako je prekršaj načinio **igrač odbrane** u toku posljednjeg ili jedinog slobodnog bacanja, timu u napadu se dodjeljuje jedan (1) poen, poslije čega se igraču odbrane dosuđuje tehnička greška.

Čl. 35 Obostrana greška

35.2.2

Igra se nastavlja kako slijedi, ako je približno istovremeno sa obostranom greškom:

Postignut važeći pogodak iz igre ili jedinog ili poslednjeg slobodnog bacanja, lopta se dodjeljuje timu koji nije postigao pogodak za ubacivanje sa bilo kojeg mjesta na čeonj liniji.

Tim imao kontrolu lopte ili pravo na nju, lopta se dodeljuje tom timu za ubacivanje sa mjesta najbližeg povredi pravila.

Nijedan tim nije imao kontrolu lopte niti pravo na nju, nastaje situacija podbacivanja.

Čl. 37 Diskvalifikujuća greška

37.1.1

Diskvalifikujuća greška je svaka izuzetno nesportska akcija igrača, zamjenika, isključenog igrača, trenera, pomoćnog trenera ili pratioca tima.

Čl. 39 Tuča

39.3.2 i nema drugih kazni za greške preostalih za

Ako su članovi oba tima diskvalifikovani po ovom članu **izvođenje**, igra se nastavlja kako slijedi.



Ako je približno istovremeno sa zasutavljanjem igre zbog tuče.

Postignut važeći pogodak iz igre, lopta se dodeljuje timu koji nije postigao pogodak za ubacivanje sa bilo kojeg mjesta na čeonj liniji.

Tim imao kontrolu lopte ili pravo na nju, lopta se dodeljuje tom timu za ubacivanje na produžetku srednje linije nasuprot zapisničkom stolu.

Nijedan tim nije imao kontrolu lopte niti pravo na nju, nastaje situacija podbacivanja.

Čl. 42 Posebne situacije

42.2.7 Ako nakon poništavanja jednakih kazni protiv timova, nema drugih kazni koje ostaju za izvođenje, igra se nastavlja kako slijedi.

Ako je približno istovremeno sa prvom povredom pravila:

Postignut važeći pogodak iz igre, lopta se dodeljuje timu koji nije postigao pogodak za ubacivanje sa bilo kojeg mjesta na čeonj liniji.

Tim imao kontrolu lopte ili pravo na nju, lopta se dodeljuje tom timu za ubacivanje sa mjesta najbližeg prvoj povredi pravila.

Nijedan tim nije imao kontrolu lopte niti pravo na nju, nastaje situacija podbacivanja.

Čl. 43 Slobodna bacanja

43.3.1

Ako prekršaj načini izvođač slobodnog bacanja:

Ne računa se poen(i), ako je postignut.

Zanemaruju se svi prekršaji drugih igrača, koji se dogode neposredno prije, približno u istom trenutku ili nakon prekršaja kojeg je načinio izvođač slobodnog bacanja. Lopta se dodjeljuje protivnicima za ubacivanje na produžetku linije slobodnog bacanja, osim ako postoji naredno slobodno bacanje(a) ili kazna posjeda koja treba da se izvede.

Čl. 44 Pogreške koje mogu da se isprave

44.1

Definicija

Sudije mogu da isprave pogrešku ako je pravilo nenamjerno povređeno, samo u slijedećim situacijama:

- Dodje ljivanje nezaslužnog slobodnog(ih) bacanja.
- Pogrešno dodjeljivanje ili poništavanje pogotka (daka)
- Dozvoljavanje pogrešnom igraču da izvede slobodno bacanje(a).

44.2

Postupak

44.2.1 Da bi gore navedene pogreške mogle da se isprave, sudije, komesar ili pomoćne sudije moraju da ih primjete, prije nego što lopta postane živa poslije prve mrtve lopte nakon što je sat za igru pokrenut poslije pogreške.



44.2.2 Sudija može da zaustavi igru odmah po otkrivanju pogreške koja može da se ispravi, ako nijedan tim ne dovodi u podređeni položaj.

44.2.3 Sve načinjene greške, postignuti poeni, utrošeno vrijeme i dodatne aktivnosti, koji su se možda dogodili nakon što se pogreška dogodila a prije njenog uočavanja, ne poništavaju se.

44.2.4 Ako pogrešku čini dodjeljivanje nezaslužnog slobodnog(ih) bacanja, slobodno bacanje(a) izvedeno kao rezultat pogreške se poništava i igra nastavlja na slijedeći način:

- Ako sat za igru nije pokrenut nakon pogreške, lopta se dodjeljuje za ubacivanje timu čija su slobodna bacanja poništena.
- Ako je sat za igru pokrenut nakon pogreške i: – Tim koji ima kontrolu lopte (ili pravo na nju) u trenutku kada je pogreška otkrivena je isti onaj tim koji je imao kontrolu lopte u trenutku kada se pogreška dogodila, ili
- Nijedan tim nema kontrolu lopte u trenutku kada je pogreška otkrivena, lopta se dodjeljuje timu koji je imao pravo na nju u trenutku kada se pogreška dogodila.
- Ako je sat za igru pokrenut nakon pogreške i u trenutku kada je pogreška otkrivena, tim koji ima kontrolu lopte (ili pravo na nju) je protivnik tima koji je imao kontrolu lopte u trenutku kada se pogreška dogodila, nastaje situacija podbacivanja.
- Ako je sat za igru pokrenut nakon pogreške i u trenutku kada je pogreška otkrivena već je dodjeljena kazna koja uključuje slobodno bacanje(a), izvodi se slobodno bacanje(a) i lopta dodjeljuje za ubacivanje timu koji je imao kontrolu lopte u trenutku kada se pogreška dogodila.

44.2.5

Ako pogrešku čini propuštanje da se dodijeli zasluženno slobodno bacanje(a) i:

- Ako nije bilo promjene posjeda lopte pošto je pogreška napravljena, igra se nakon ispravljanja pogreške nastavlja kao nakon normalnog slobodnog bacanja.
- Ako je isti tim postigao pogodak nakon što joj je pogrešno dodijeljen posjed lopte za ubacivanje, pogreška se zanemaruje.

44.2.6 Nakon ispravljanja pogrešnog dodjeljivanja ili poništavanja pogotka, tim koji je imao pravo na loptu u momentu kada je igra zaustavljena radi ispravljanja pogreške, ponovo započinje igru od momenta u kojem je prekinuta da bi se pogreška ispravila.

44.2.7

Ako pogrešku čini dozvoljavanje pogrešnom igraču da izvede slobodno bacanje(a), slobodno bacanje(a) izvedeno kao rezultat pogreške se poništava i lopta dodjeljuje protivnicima za ubacivanje na produžetku linije slobodnog bacanja.

44.2.8

Kada je otkrivena pogreška koja još uvijek može da se ispravi:

Ako se igrač koji je uključen u ispravljanje pogreške nalazi na klupi tima, nakon što je pravilno zamijenjen (a ne zato što je diskvalifikovan ili načinio petu grešku), mora ponovo da uđe u teren za igru da bi učestvovao u ispravljanju pogreške (u tom trenutku postaje igrač).

Po završetku ispravljanja pogreške on može da ostane u igri, osim ako je ponovo zatražena pravilna zamjena, u kojem slučaju može da napusti teren za igru.

Ako je igrač zamijenjen zato što je načinio petu grešku ili je diskvalifikovan, u ispravljanju pogreške mora da učestvuje njegov zamjenik.

44.2.9

Pogreške koje mogu da se isprave, ne mogu da se ispravljaju nakon što prvi sudija potpiše zapisnik.

44.2.10

Sve pogreške zapisničara pri vođenju zapisnika ili mjerioca pri mjerenju vremena, koje se odnose na rezultat, broj grešaka, broj tajm-auta, potrošeno ili propušteno vrijeme, sudije mogu da isprave u bilo kojem trenutku prije nego što prvi sudija potpiše zapisnik.

Čl. 46 Prvi sudija: dužnosti i prava

Prvi sudija:

46.12 Ima ovlaštenje da prije nego što potpiše zapisnik, upotrebi tehničku opremu da bi odlučio da li je posljednji šut na završetku svakog perioda ili bilo kog produžetka bio upućen u toku vremena za igru.

Čl. 50 Mjerilac dvadesetčetiri sekunde: dužnosti

50.2

Zaustavlja i vraća na dvadesetčetiri (24) sekunde, pri čemu na displeju nema prikaza, čim:

Sudija zviždi pištaljkom zbog greške ili prekršaja.

Lopta prilikom šuta na koš iz igre ili dodavanja uđe u koš.

Lopta prilikom šuta na koš iz igre dotakne obruč, osim ako se zaglavi na nosaču koša.


Igra bude zaustavljena zbog akcije tima koji nema kontrolu lopte.

Igra bude zaustavljena zbog akcije koja nije u vezi ni sa jednim timom, osim ako bi protivnici bili dovedeni u podređeni položaj.

A – SUDIJSKI ZNAKOVI

Novi sudijski znak br. 14

14
VIDLJIVO BROJANJE
(pet i osam sekundi)



Prstima pokazivati
brojanje


B -ZAPISNIK

Izmijenjeni Dijagram 10. Timovi u zapisniku

Licenca br.		Igrač	Br.	Ulazak u igru	Greške				
					1	2	3	4	5
001		VELIĆ A.	4	⊗	P ₂				
002		LUKOVIĆ V	5	⊗	P	P	P ₂		
003		PETROVIĆ A.	6	⊗	P ₂	U ₂	P	P ₁	
004		VRAŽIĆ M.	7	×	T ₂	P ₂			
010		KULOVIĆ S.	8	⊗	P	P	U ₁		
012		KAVAZAVIĆ D.	9	⊗	P ₁	P			
014		KREŠIĆ B.	10						
015		LUŠIJA S.	11	×	P ₂	P ₂			
			12						
021		KRUNIĆ V.	13	×	P ₂	P	P ₂	T ₂	
022		BRATIĆ M.	14	×	P ₂	P ₂	P ₂	P	U ₂
024		LUČIĆ I.	15	×	P ₂	D ₂			
Trener		KARIĆ V.					C ₂	B ₂	
Pomoćni trener		DELIĆ E.							

Dijagram 10. Ekipe u zapisniku

B.7.1 Dodijeljeni tajm-outi se upisuju u zapisnik unošenjem minuta vremena za igru u periodu ili produžetku u odgovarajuće rubrike ispod imena tima.

C – POSTUPAK ŽALBE

C.4 Video snimci, filmovi, slike ili bilo koja oprema, vizuelna, elektronska, digitalna ili druga, mogu da se koriste samo:

- Da bi se odlučilo da li je posljednji šut na završetku svakog perioda ili bilo kojeg produžetka bio upućen u toku vremena za igru.
- Pri utvrđivanju disciplinske odgovornosti ili u svrhe obrazovanja (obuke), nakon što je utakmica završena.